

Federacija Bosne i Hercegovine

Kanton Sarajevo – Općina Hadžići

JU OŠ „Hilmi ef. Šarić“ Tarčin

Z A P I S N I K

sa četrdesetosma sjednice Školskog odbora JU OŠ „Hilmi ef. Šarić“ Tarčin održane 13.02. 2026.
godine sa početkom u 16,00 sati

Prisutni : Ešref Bajrektarević, predsjednik te članovi Topalović Mirza, Ramić Meliha i Fišo Amela,

Odsutni:

Prisutni ispred uprave škole: pomoćnik direktora, referent za plan i analizu i sekretar škole

Za sjednicu predložen sljedeći dnevni red:

1. Usvajanje zapisnika sa prethodne sjednice,
2. Razmatranje i usvajanje Izvještaja o redovnom popisu za 2025. godinu,
3. Donošenje Odluke o izboru direktora JU OŠ „Hilmi ef. Šarić“ Tarčin,
4. Razmatranje i usvajanje Izmjena i dopuna Plana nabavki za 2026. godinu,
5. Odluka o pokretanju postupka-Škola u prirodi za učenike IV razreda,
6. Odluka o nabavci udžbenika od I-IV razreda
7. Žalba na odluku o izboru kandidata-nastavnik islamske vjeronauke
8. Rješenje o imenovanju Komisije za zbrinjavanje radnika ustanove za čijim je radom potpuno ili djelimično prestala potreba u školi,
9. Tekuća pitanja.

Dnevni red je jednoglasno usvojen.

AD 1.

Zapisnik sa prethodne sjednice jednoglasno je usvojen.

AD 2.

Samostalni referent za plan i analizu podnijela je Izvještaj Školskom odboru o izvršenom popisu sredstava, potraživanja i obaveza za 2025. godinu. Komisija je radila u sastavu Tubok Fahro, Asad Tufo i Kalem Mediha. Komisija ja obavila pripremne radnje i blagovremeno izvršila popis sredstava, potraživanja i obaveza na dan 31.12.2025. godine u skladu sa Upustvom br. 08-11-52398/24, od 29.11.2024. g. i Pravilnikom o kriterijima za rashodovanje, otpis, knjiženje viškova i manjkova stalnih sredstava i sitnog inventara i otpis potraživanja br. 08-01-49-25886/04 od 30.11.2004. godine.

Izvještaj o izvršenom popisu sredstava, potraživanja i obaveza za 2025. godinu, jednoglasno je usvojen od strane Školskog odbora.

Postavljeni su solarni paneli na krovu zgrade ali nismo dobili vrijednost izvršenih radova, radi se o donaciji. Ta stavka će dobiti vrijednost po dobijanja potrebne dokumentacije.

[Redacted signatures]

Sekretar škole upoznao je Školski odbor da je završena procedura izbora direktora škole od strane Vijeća roditelja i radnika škole. U skladu sa Pravilnikom o izboru, imenovanju i razriješenju direktora osnovnih škola („Sl. list. KS broj: 2/18, 32/18 i 30/19) komisija koja provodi proceduru koja prethodi proceduri izbora i imenovanja direktora zaprimila je dvije prijave koje su stigle po konkursu objavljenom u listu Oslobođenje dana 10.01.2026. godine i na web stranici Ministarstva za odgoj i obrazovanje. Prijavu je podnijeli Ramić Halima, profesor islamske teologije i Japalak Kemal, magistar razredne nastave. Predsjednik Vijeća roditelja i sindikalni povjerenik škole zakazali su Izbornu sjednicu u skladu sa Pravilnikom o izboru i imenovanju i razriješenju direktora osnovnih škola Kantona Sarajevo u petak, 30.01.2026. godine u 18,30 sati u prostorijama škole. U skladu sa Pravilnikom predsjednik sindikalne podružnice i Vijeća roditelja škole pozvali su kandidate na izbornu sjednicu da se predstave i izlože svoj program rada. Nakon predstavljanja kandidata izvršeno je glasanje.

Ispred radnika škole od ukupno 64 glasalo je 59 radnika, nevažeći listić 1, neupotrijebljenih listića 5.
- za Japalak Kemala je glasalo 44 radnika škole ili 68,75 %.

-za Ramić Halimu je glasalo 14 radnika škole ili 21,88 %.

Ispred Vijeća roditelja od ukupno 26 članova Vijeće roditelja učenika škole, za

-Japalak Kemala je glasalo 16 roditelja ili 61,5 %,

-Ramić Halimu je glasalo 10 roditelja učenika škole ili 38,5 %.

Prijedlog kandidata za direktora škole od strane načelnika Općine Hadžići broj: 02-34-1-1113/26 od 02.02.2026. godine- Općina Hadžići za direktora škole predlaže kandidata Japalak Kemala, magistra razredne nastave.

Ministarstvo za odgoj i obrazovanje je dostavilo Prijedlog kandidata za direktora škole, broj: 11-06/01-04-2776-2/26 od 30.01.2026. godine, ministrica za odgoj i obrazovanje Kantona Sarajevo za direktora JU OŠ „Hilmi ef. Šarić“ Tarčin predlaže kandidata Ramić (Nail) Halimu, profesor islamske teologije, u skladu sa čl. 109. i 110. stav (4) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24) i članom 8. stav (3) Pravilnika o izboru, imenovanju i razriješenju direktora osnovnih škola Kantona Sarajevo („Službene novine Kantona Sarajevo“, br. 2/18, 32/18 i 30/19).

U skladu sa članom 8 stav (5) Pravilnika o izboru, imenovanju i razriješenju direktora osnovnih i srednjih škola Kantona Sarajevo („Službene novine KS broj: 2/18, 32/18 i 30/19) Školski odbor donosi Odluku o izboru kandidata za imenovanje direktora Japalak Kemala, magistra razredne nastave većinom glasova (tri glasa).

Odluka će putem Ministarstva za odgoj i obrazovanje Kantona Sarajevo zajedno sa kompletnom dokumentacijom biti dostavljena Vladi Kantona Sarajevo na dalje odlučivanje radi pribavljanja saglasnosti nakon čega će se izvršiti imenovanje direktora škole.

[Redacted signature area]

Pomoćnik direktora škole informisao je odbor da je škola uradila Plan nabavki za 2026. godinu na osnovu nacarta budžeta Vlada Kantona Sarajeva, a samim dostavljanjem prijedloga stvorili su se uslovi za izradom Plana nabavki za 2026. godinu. Na osnovu Zakona o javnim nabavkama (Sl. Novine FBiH br. 39/14 i 59/22) i odobrenog budžeta za našu školu, od strane Vlade Kantona Sarajeva iz prošlogodišnjeg nacarta, dostavljen je na uvid Prijedlog plana nabavki za 2026. godinu. Planom nabavki predviđeno je da su za robe, usluge i radove za 2026. godinu planirana sredstva u visini od 125663,78 KM sa PDV-om.

Aktom Ministarstva za odgoj i obrazovanje broj:11-05/01-11-3357/26 od 02.02.2026. godine informisani smo o najvažnijim stavkama i sredstvima koja su odobrena u budžetu budžetske organizacije Ministarstvo za odgoj i obrazovanje Kantona Sarajeva.

I. Sredstva za realizaciju projekta Nabavka udžbenika za učenike osnovnih škola odobrena su u budžetu Ministarstva za odgoj i obrazovanje na ekonomskom kodu 614300 LANQ6-prvenstveno su namjenjena za nabavku udžbenika od I do IV razreda osnovne škole u školskoj 2026/2027. godini, u iznosu 21.800 sa PDV-om. Škola će, u skladu sa odobrenim iznosom preraspodjele u skladu sa zakonskim propisima rrealizovati projekat Nabavka udžbenika za učenike osnovnih škola (provesti proceduru javne nabavke, izvršiti plaćanje iz budžeta škole).

II. Sredstva za realizaciju Škole u prirodi

Sredstva za realizaciju projekta „Škola u prirodi za učenike IV razreda odobrena su u budžetu Ministarstva za odgoj i obrazovanje na ekonomskom kodu 614300 LANQ6-Tekući transferi neprofitnim organizacijama-predškolsko i osnovno obrazovanje.

Škole će, u skladu sa odobrenim iznosom od 10.000 KM sa PDV-om preraspodjele u skladu sa zakonskim propisima realizovati projekat „Škola u prirodi“ (provesti proceduru javne nabavke, izvršiti plaćanje iz budžeta škole). Nakon realizacije projekta, škola je obavezna Ministarstvu dostaviti narativni izvještaj o realizovanom projektu „Škola u prirodi“, koji obavezno mora sadržavati informaciju o broju učenika, iznos sredstava za realizaciju projekta, destinaciju i dr.

Školski odbor je jednoglasno usvojio Izmjene i dopune Plan nabavki za 2026. godinu, protokolisanu pod brojem: 09-2-142/26 od 13.02.2026. godine, izmjene vezane za nabavku udžbenika za učenike od I-IV razreda i realizacija „Škole u prirodi“ za učenike IV razreda.

AD 5.

Jednoglasno donesena Odluka o pokretanju postupka javne nabavke putem konkurentskog zahtjeva škole u prirodu za 2026. godinu. Procjenjena vrijednost iznosi 8.547,01 KM bez PDV-a i 10.000 KM sa PDV-om.

Na osnovu člana 17. stav 1., člana 88 Zakona o javnim nabavkama („Službene novine Federacije BiH“, broj: 39/14 i 59/22) i člana 33. Pravilnika za nabavku roba, vršenju usluga i ustupanju radova JU OŠ „Hilmi ef. Šarić“ Tarčin, broj:01-1-73/23 od 14.02.2023. godine, Školski odbor donosi:

ODLUKU O POKRETANJU POSTUPKA JAVNE NABAVKE
putem konkurentskog zahtjeva Škole u prirodi za 2026. godinu

I



Ugovorni organ JU OŠ „Hilmi ef. Šarić“ Tarčin, u skladu sa ukazanom i planiranom potrebom, pokreće postupak javne nabavke za 2026. godinu za nabavku :

1. Za usluge putničkih agencija radi organizacije i realizacije Škole u prirodi za učenike IV (četvrtih) razreda. Za realizaciju Škole u prirodi, Vlašić, Travnik planirana su tri dana 2 puna pansiona, u periodu april-maj 2026. godine.

Komisija u sastavu:

1. Vesim Šehić _____ predsjednik
2. Edin Kazazović _____ član,
3. Mediha Kalem _____ član,
4. Mirsad Tufo _____ sekretar komisije

II

Procjenjena vrijednost javne nabavke data je u Izmjenama i dopunama Plana nabavki za 2026. godinu, usvojena od strane Školskog odbora škole, broj: 09-2-142/26 od 13.02.2026. godine i iznosi 8547,01 KM bez PDV-a.

III

Podaci o izvoru – načinu finansiranja: Sredstva su osigurana u Budžetu/Finansijskom planu ugovornog organa za 2026. godinu.

IV

Rok za provođenje postupka javne nabavke je april-maj 2026. godine.
Ostali uslovi javne nabavke su određeni tenderskom dokumentacijom.

V

Ova Odluka stupa na snagu danom donošenja.

AD 6.

Jednoglasno donesena Odluka o pokretanju postupka javne nabavke putem konkurentskog zahtjeva nabavka udžbenika za 2026. godinu. Procjenjena vrijednost iznosi 9.239,31 KM bez PDV-a.

Na osnovu člana 17. stav 1. , člana 88 Zakona o javnim nabavkama („Službene novine Federacije BiH“, broj: 39/14 i 59/22) i člana 33. Pravilnika za nabavku roba, vršenju usluga i ustupanju radova JU OŠ „Hilmi ef. Šarić“ Tarčin, broj:01-1-73/23 od 14.02.2023. godine, Školski odbor donosi:

ODLUKU O POKRETANJU POSTUPKA JAVNE NABAVKE

putem konkurentskog zahtjeva Nabavka udžbenika za 2026. godinu

I

Ugovorni organ JU OŠ „Hilmi ef. Šarić“ Tarčin, u skladu sa ukazanom i planiranom potrebom, pokreće postupak javne nabavke za 2026. godinu za nabavku :

1. Nabavka udžbenika za učenike od I do IV razreda, za školsku 2026/2027. godinu. Za realizaciju nabavke udžbenika za učenike od prvog do četvrtog razreda zadužena je Komisija za javne nabavke.

Komisija u sastavu:

1. Vesim Šehić _____ predsjednik
2. Edin Kazazović _____ član,
3. Mediha Kalem _____ član,
4. Mirsad Tufo _____ sekretar komisije

5

II

Procjenjena vrijednost javne nabavke data je i u Izmjenama i dopunama Plana nabavki za 2026.godinu, usvojena od strane Školskog odbora škole, broj:01-1-144/26 od 13.02.2026. godine i iznosi 18.632,47 KM bez PDV-a.

III

Podaci o izvoru – načinu finansiranja: Sredstva su osigurana u Budžetu/ Ministarstvu za odgoj i obrazovanje Kantona Sarajevo za 2025. godinu.

IV

Rok za provođenje postupka javne nabavke je april-maj 2026. godine. Ostali uslovi javne nabavke su određeni tenderskom dokumentacijom.

V

Ova Odluka stupa na snagu danom donošenja.

AD 7.

Pomoćnik direktora škole upoznao je Školski odbor da je Školskom odboru dana 09.02.2026. godine stigla žalba na odluku o izboru kandidata i rang-listu po konkursu za prijem nastavnika islamske vjeronauke-povrede zakonitosti, pogrešna primjena pravilnika i tehničke nepravilnosti EMIS sistema od strane Lamije Vatreš Mehmedić.

Nakon razmatranja žalbe, priložene dokumentacije i svih relevantnih dokaza, Školski odbor JU OŠ „Hilmi ef. Šarić“ Tarčin, Sarajevo utvrdio je da žalba nije osnovana.

Školska komisija za prijem u radni odnos imenovana je u skladu sa članom 16. Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj: 08/25 i 37/25). U skladu sa članom 17. Pravilnika, Komisija je, nakon zatvaranja konkursa, a najkasnije u roku od deset radnih dana, izvršila verifikaciju prijava kandidata bez mogućnosti izmjene unesenih podataka ili dokumentacije.

Verifikacija je obuhvatala provjeru: postojanja i ispravnosti dokumentacije, ispunjavanja uslova iz člana 15. stav (3) Pravilnika, unosa podataka u predviđena polja i usklađenosti unesenih podataka sa priloženom dokumentacijom, Komisija je u cjelosti postupala u okviru ovlaštenja utvrđenih Pravilnikom i nije imala pravnu i tehničku mogućnost da vrši izmjene podataka, dokumentacije ili bodova u EMIS informacionom sistemu.

U skladu sa članom 10. stav (6) Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj:08/25 i 37/25), bodovanje radnog staža izvršeno je na osnovu uvjerenja Federalnog zavoda PIO/MIO.

Nakon verifikacije, kandidati su automatski putem EMISA modula obavješteni o statusu svojih prijava. Fenkcionisanje EMIS sistema, uključujući automatski obračun bodova, nije u nadležnosti

Komisije niti Školskog odbora, već predstavlja dio centralizovanog sistema nad kojim škola nema ingerenciju.

Preporuka Institucije Ombudsmena u vezi sa navodnom diskriminacijom ne može imati pravno obavezujući karakter niti derogirati obavezu Komisije i Školskog odbora da postupaju u skladu sa važećim propisima i Pravilnikom.

Školski odbor napominje da je do bodovanja kandidata za poziciju nastavnika vjeronauke izvršeno isključivo putem EMIS sistema, u skladu sa Pravilnikom, pri čemu Komisija nije imala ingerenciju za dodatnu procjenu ili korekciju bodova. Ovo u potpunosti odgovara žalbenom navodu, ali nije uticalo na zakonitost i pravilnost provedenog postupka.

Na osnovu svega navedenog, Školski odbor je utvrdio da je Komisija izvršila sve radnje koje su joj Pravilnikom utvrđena ovlaštenja omogućavala, da nije prekoračila svoja ovlaštenja, te da nije došlo do povrede postupka ili pogrešne primjene materijalnog prava. S obzirom da Školski odbor i Komisija nemaju nadležnosti nad EMIS sistemom i automatskim obračunom bodova, a da je postupak proveden zakonito, nepristrasno i u skladu sa važećim propisima, **žalba se odbija kao neosnovana, a osporena odluka ostaje na snazi.**

AD 8.

Sekretar škole informisao je Školski odbor da Komisiji za zbrinjavanje radnika ustanove za čijim je radom potpuno ili djelimično prestala potreba u školi, ističe mandat krajem februara, te je potrebno imanovati novu komisiju.

Školski odbor rješenjem, na osnovu prijedloga sindikalnog obora sindikalne organizacije/podružnice Sindikata u ustanovi, broj.4/26 od 13.02. 2026. godine, imenuje Komisiju koju čine tri člana:predsjednik sindikalne organizacije/sindikalni povjerenik ili lice koga ovlasti i dva člana iz reda radnika ustanove koje predlaže direktor uz konsultacije sa predsjednikom sindikalne organizacije/sindikalnim povjerenikom. Mandat članova je četiri godine.



Školski odbor jednoglasno donosi Rješenje o imenovanju Komisije za zbrinjavanje radnika ustanove za čijim je radom potpuno ili djelimično prestala potreba u školi, u sastavu:

1. Šarić Suad, nastavnik fizike
2. Nizama Pknjač, nastavnik razredne nastave-sindikalni povjerenik i
3. Sabina Kazazović, nastavnik razredne nastave

Na osnovu člana 10. Pravilnika s kriterijima za proglašavanje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo (Sl.novine Kantona Sarajevo broj: 9/22) i člana 104. Pravila škole broj:01-1-199725 od 04.04.2025. godine, Školski odbor OŠ“ Hilmi ef.Šarić“ Tarčin na sjednici održanoj 13.02.2026. godine donio je:

RJEŠENJE

o imenovanju Komisije za zbrinjavanje radnika ustanove za čijim je radom potpuno ili djelimično prestala potreba u školi





1. Školski odbor Osnovne škole „Hilmi ef. Šarić“ Tarčin, a na prijedlog sindikalne podružnice škole broj: 4/26 od 13.02.2026. godine jednoglasno donosi rješenje o imenovanju Komisije za zbrinjavanje radnika ustanove za čijim radom je prestala potreba u školi u sastavu:

1. Šarić Suad, nastavnik fizike
2. Nizama Pknjač, nastavnik razredne nastave-sindikalni povjerenik i
3. Sabina Kazazović, nastavnik razredne nastave

2. Mandat Komisije ustanove traje četiri godine.

3. Komisija škole obavezno, na konstituirajućoj sjednici biraju predsjednika, zamjenika predsjednika i zapisničara te donose poslovnik o radu.

4. Odluka stupa na snagu danom donošenja.

Dostavljeno:

- oglasnoj tabli škole
- članovima Komisije x 3
- arhivi škole

AD 9.

Školski odbor je upoznat sa planiranim i redovnim aktivnostima u ovoj godini: radi se na realizaciji projektne dokumentacije za produženi boravak, u toku je zaključivanje ugovora za periodični pregled aparata za početno gašenje, periodični pregled i ispitivanje hidrantske mreže, nabavka kancelarijskog materijala i dr.

Sjednica završena u 18,00 sati.

ZAPISNIČAR

Mirsad Tufo

PREDSJEDNIK ŠKOLSKOG ODBORA

Ešref Bařektarević

Osnovna škola «Hilmi ef.Šarić»Tarčin

Sekretar škole

Broj: 04-134/26

Dana, 11 .02. 2026.godine

POZIV

Četrdesetosma sjednica Školskog odbora škole održat će se u prostorijama škole u petak,

13. 02.2026. godine sa početkom u 16,00 sati.

Dnevni red sjednice:

Za sjednicu predložen sljedeći dnevni red:

1. Usvajanje zapisnika sa prethodne sjednice,
2. Razmatranje i usvajanje Izvještaja o redovnom popisu za 2025. godinu,
3. Donošenje Odluke o izboru direktora JU OŠ „Hilmi ef. Šarić“ Tarčin,
4. Razmatranje i usvajanje Izmjena i dopuna Plana nabavki za 2026. godinu,
5. Odluka o pokretanju postupka-Škola u prirodi za učenike IV razreda,
6. Odluka o pokretanju postupka- nabavci udžbenika od I-IV razreda,
7. Žalba na odluku o izboru kandidata-nastavnik islamske vjeronauke,
8. Rješenje o imenovanju Komisije za zbrinjavanje radnika ustanove za čijim je radom potpuno ili djelimično prestala potreba u školi,
9. Tekuća pitanja.

Predsjednik Školskog odbora

Esref Bajraktarević